

SARS e ananela kahlolo ya Lekgotla le Phahameng (Karolo ya Provense ya Gauteng) ya la 11 Pudukwana 2022

SARS e ananela kahlolo ya Lekgotla le Phahameng ya ho qhelela ka thoko Tlaleho ya Mosireletsi wa Setjhaba e neng e le mabapi le "Diphuputso mabapi le Taolo e Mpe, Bobodu le Diphoso tsa Phumantsho ya Ditshebeletso le Boitshwaro bo sa Lokang ka Ditshebeletso tsa Lekgetho tsa Afrika Borwa (SARS) mabapi le ka moo e ileng ya tshwara ka teng Thendara e bitswang *Provision of Bespoke Software Development, Maintenance and Support Services for the Benefit of SARS for a period of 7 (seven) years*".

Se neng se fumanwe e le se ka sehloohong tlalehong ya Mosireletsi wa Setjhaba e ne e le hore SARS e fumane ditshebeletso tsa *IT* ho tswa ho BBD, e leng mofepedi le hore boitshwaro ba SARS ebile bo sa lokang ho latela karolo ya 182(1)(b) ya Molao wa Motheo le karolo ya 6(4)(a)(iii) ya Molao wa Mosireletsi wa Setjhaba.

SARS e thabisitswe ke hore lekgotla le eme le yona tabeng e reng diphetho mmoho le ketso ya tokiso tse ka hara Tlaleho ya Mosireletsi wa Setjhaba, ke tse hloakang mabaka, tse seng molaong, tse sa utlwalheng le tse leeme le hore lekgotla le qhelele Tlaleho eo ka thoko.

BB&D e kgathile tema ya bohlokwa Lenaneong la SARS la Sejwalejwale, e leng e nngwe ya dipale tsa katleho e kgolo bosebeletsing ba setjhaba nakong ena ya demokrasi. Tlaleho ya Khomishene ya Dipatlisiso hodima Taolo le Puso ya tsa Lekgetho ka Ditshebeletso tsa Lekgetho tsa Afrika Borwa ("**Khomishene ya Nugent**") e fumane hore, ka 2014, "SARS e ne e na le karolo ya *IT* e sebetsang ka ho phethahala le ya maemo a lefatshe" ebile e na le nalane e ntle ya katleho.

Lenaneo la Sejwalejwale, le qadilweng ke Khomishenara ya mehleng Gordhan ka 2004, le kgontshitse SARS ho fetoha ho tswa mokgatlong wa kgalekgale o neng o itshetlehile ka metjha e etswang ka matsoho, mekgwatshebetso ya kgale ya dikhompyutha, le meqeqeko e mengata ya ditokomane tsa dipampiri, ho ya mekgweng o motjha wa theknoloji e hlwahlwa le lesedi la elektronike ho ntlafatsa tlhahiso ya tsona, tshebetso e phethahetseng le e behang ditholwana.

Khomishenara Kieswetter o itse: "*Haesale ho tloha ka 2006, SARS e ikgethetse ho tla ka tharollo ya metjha e mmedi, e akaretsang motswako wa mekgwatshebetso ya tsa kgwebo e qapetsweng ho sebedisetswa se itseng feela (tse ikgethang) le moo boholo ba mekgwatshebetso bo hlophisitsweng ka tsela e kgotsofatsang ditlhoko tse ikgethang feela. Ke*

ka lebaka la ona mokgwa ona o ikgethang moo mokgwatshebetso wa IT wa SARS o ileng wa ba motheo wa se ileng sa kgontsha SARS dilemong tse mmalwa tse fetileng hore e kgone ho sebeletsa le ho anetsa tshebeletso ya yona ho balefalekgetho. Tshebetso ena e bohareng ebile e bohlokwa haholo ka nako eo re neng re lokela ho tenyetseha ka teng ho arabela ho qala ha sewa sa Covid-19. Le ha ho le jwalo, mokgwa ona o ikgethang o tla ka diphephetso tsa ona tsa phumantsho tse sa kgoneng ho ka qojwa."

"Mosireletsi wa Setjhaba yena o ne habile ho fumana SARS e le molato ha ka lehlakoreng le leng, SARS jwalo ka setheo sa setjhaba ho latela maemo a mang a molao, e ne e tsitlallela ho fumana theknoloji ya maemo a hodimo ka ho latela melawana ya phumantsho e neng e radilwe ho fihella sepheo se seng. Ebang ho na le bothata, monwana o ka se supe boitshwaro ba setheo sena sa setjhaba le bahlanka ba sona ba atlehileng ho etsa hore SARS e be ya sekwalekwale, monwana o lokela ho supa mokgwa wa kgale wa phumantsho ya ditshebeletso, o hlolehileng ho ikamahanya le ditlhoko tsa IT tsa ditheo tsa dijithale tsa mongwahakgolo wa mashome a mabedi a motso o le mong"

"Ka maswabi, maano a jwale a phumantsho le melawana ya Matlotlo a Setjhaba ha a etsa tse ngata ho thibela bobodu bo boholo ba phumantsho, empa e nonyetsa ditlhoko tsa mokgatlo o tshwanang le SARS o hlokang tsela e tenyetsehang le ya sekwalekwale ho tse mabapi le data le theknoloji"

"Kahoo ke thabisitswe ke tsebisiso ya moraora o tjena ya Letona la Ditjhelete ya hore Bili ya Pumantsho ya Setjhaba e tla tekwa selemong sa 2023. Ho leptjwa hore Bili ena e ntjha e tla lahla melao e tshopodi le a kginang e mabapi le phumantsho ya tsa IT le ho tlisa kgonahalo ya phumantsho ya setjhaba hore bafepedi ba tsa kgwebo ba tsebe ho hlophisa metjha ya bona ho latela ditlhoko tsa mmaraka. Sena se tla boela se kgontsha SARS ho tswela pele ka leeto la yona la ponelopele ya bolaodi ba lekgetho moo boholo ba mosebetsi wa bona bo tlang ho tataiswa ke lesedi la data, dikhompyutha tse kgonang ho ithuta, bohlale ba maiketsetso le tshebedisano e matla pakeng tsa batho le disebediswa."

Ho fumana lesedi le fetang lena, ikopanye le SarsMedia@sars.gov.za